

Nokitsinda, pikada natoda pinako Covid-19 iitape!

Lhia tapee hapeede, nheete lidanta phia liodza ipoatti.

Idanatakakarowa liodza ipoatti idzakaleriko, lirhiotsa natodaka manope liyo lhia tapee!



Covid-19 iitapenaa

Pha pianhetsa?

Koame lidzeekataka Ihia tapee

- Lhia tapee karowatsa likadaa kaiwhia phiome naha hipakape Ihia ipoatti. Pittaita watsa phipaka Ihia ipoatti, metsa karo watsa khedzako pinako ni. Karowa tsa kanakai nadeenka phia hospital liko.
- Pithaitakaro pidanakatakawa, pirhiotsa pideeka dzamawali tapee, 15 oo 28 hekoapi liphontte nakeñoaka dzami nakota phia.
- Karowatsa kheedza lidaanataka phia oo phianheka koamedalika pidakiriko. Kadzodali ima, kanakai pinakoka tsa máskara, pikotsoka pikaape, nheette piemaka iakaatsa pikitsienape y.

Koameperi ittaitali hipaka Ihia tapee?

- Phiome Brazil nako pandza, naha ikeñoali hipa tapee nha whapepe iemakape nadzakaleperiko, pedaliape nheette naha itapetakape. Katsa naha wadeeperitsa hipaka kaiwhia Ihia ipoatti.
- Lhia tapee kametsa natodalika inako naha irhiokape 18 hamoli, ipeedzalhe.

Koameperi naha karoli ittaita hipaka tapee?

- Karo nattaita natodaka tapee iyo naha iina kewedaniperi, iina walitte keenipeka (6 mhitsa iapirhe), nheette naha idzaikamikape wheetshi oo naha idzamikape Covid-19.

Koaka naha ikaiteri walhio: Médica sanitária Ana Lúcia Fontes, da Fiocruz, e médico Guilherme Monção, do Dsei Alto Rio Negro, nakaite Ihia iakotti wahio fevereiro nako hamoli 2021.

Pha haapetsa Ihia tapee?

- Naha tapeenai natodanipe haapeperi, nhaha nawanhi nakapawa, pandza hekoapi natodanaka naha newiki Brazil nako, nheette paanda hiipai. Ahã Brasil nako, 5,8 milhões na naha natodanhi liyo Ihia tapee, pawalixopa neepaka, naniweetanhi nakeñoakadzami até Ihia hekoapika 21 de fevereiro.
- Lhia CoronaVac/Butantam nadzekatani liyo Ihia vírus karodalitsa kaawhi. Natodakadanako panaapanakoni, Ihia wadaki kameena likeñoa lidanatakakawaumukirai yã umatukasaita maasi yumukiriba yane rese.

Pikapa piodzawa naha ixaatti

Mheepatsa naha ixaati.

**Piomakada pianhepaaka pittatha phimawa naha itapetakape.
Lhia tapee karotsa lirhionika chip iñoakada, ixaatti Ihia iakottika.**

PHIMAA!

Lirhiotsa manopeka hipaka Ihia tapee.

**Kadzo watsa karo liokeeta Ihipawa Ihia ipoatti,
kadzowatsa hama lidzenaka padawa irhio.**

Pha wadeetsa koameka naha lima Ihia tapee?

- Natodakadzami pinako Ihia tapee, kaiwi watsa phiane pinapa, pawalipe, wadetsa watsa hamoka phia. Kadzokadani, pikaite watsa nalhio naha itepetakape.
- Padapena naama nheema phaka nattaita nhepaka tapee nheette nattaita katsa naira dzanakaa. Naha itapetakape nheette Ihia Ministério da Saúde nakaite nattaitakatsa nairaka, karo pakapa matshikani. Metsa kanakai nawapiñeetaka karoka pairaka dzanakaa horenakhetsa padzeenetakawa.

Idezeñari ri: Matheus Ribs • Likapaka naa Ihia papera: Raquel Uendi
Idzeenetakape paana iakottiriko: Ray Baniwa (Baniwa)
Vanderleia de Jesus Cardoso (Tukano) • Edison Gomes (Nheengatu)

Ideenhiri Ihia papera



ISA
Instituto Socioambiental



Cartão de Vacinação do Indígena

Vacina COVID-19	Data	
<i>12/12/2020</i>	<i>12/12/2020</i>	<i>[Signature]</i>
<i>13/01/2021</i>	<i>13/01/2021</i>	<i>[Signature]</i>